

**IZVOD IZ TRANSKRIPTA SA 34. SJEDNICE SKUPŠTINE ZENIČKO-  
DOBOJSKOG KANTONA ODRŽANE 30.11.2016. GODINE, KOJI SADRŽI  
RASPRAVU PO 3. TAČCI DNEVNOG REDA „NACRT ZAKONA O IZVRŠAVANJU  
BUDŽETA ZENIČKO-DOBOJSKOG KANTONA ZA 2017. GODINU“**

**PREDSJEDAVAJUĆA**

Otvaram raspravu po ovoj tački dnevnog reda. Da li neko želi učestvovati u raspravi? Gospodin Handžić.

**HASAN HANDŽIĆ**

Hvala predsjedavajuća. Obzirom na ovoliku raspravu i ovakvu dinamiku kada je dokument u formi Nacrta Budžeta bio u pitanju, jednako važan i bitan dokument je Zakon o izvršenju Budžeta, gdje je kao sestrinski ili bratski prateći dokument tretira prioritete prilikom isplate svim budžetskim korisnicima. Nekada u prošlom mandatu prije dvije ili tri godine, u ovom dokumentu stajao je jedan poseban član koji je tretirao prioritete na koji sam ja reagovao, evo već čini mi se šesti ili sedmi Budžet odnosno Zakon o izvršenju Budžeta. Predlažem Vladi da ako je moguće taj član ponovo vrati u ovaj dokument i obzirom da je evo već raspoložemo podacima da će se Budžet rehabilitovati, da će, da će, da ćemo bit' u suficitu, da socijalno ugrožene kategorije po primjeru člana 10. Zakona o izvršenju federalnog budžeta bude sadržina i ovog dokumenta kao garancija socijalno ugroženim kategorijama, da neće kasniti njihove isplate i prenadležnosti po četiri, pet mjeseci, dok drugima ide mjesec za mjesecom. Toliko, to je sugestija, ukol'ko to ne bude vjerovatno ćemo onda amandmanski djelovati kao i amandmane na Budžet sa svim onim što se ne slažemo. Hvala.

**PREDSJEDAVAJUĆA SKUPŠTINE**

Zahvaljujem gospodine Handžić. Gospodin Jukić.

**DAMIR JUKIĆ**

Vrlo kratko evo jedna samo intervencija vezano dakle za 34. 35. mislim članak Zakona o izvršavanju Proračuna Nacrta naravno, da se Vlada Zeničko-dobojskog kantona vodi računa, da vodi pri izradi programa utroška sredstava Ministarstva za obrazovanje, nauku, kulturu i sport, da se omogućiti ministru za obrazovanje, nauku, kulturu i sport kada su u pitanju transferi za kulturu, sport, neke manifestacije, da može svojom odlukom iz rezervnih sredstava naravno programa utroška, ponavljam usvaja Vlada, ali rezervna sredstva da on može kao što može ministar za boračka ili ministar za rad i socijalnu politiku do tisuću maraka odobriti svojom odlukom, preko da ide na Vladu, da ne moramo doći u situaciju u dvanaestom mjesecu za nekih petsto maraka sve mora ići na Vladu, da se ne pretrpava Vlada takvim nekim sitnim odlukama, da se omogućiti dakle ovaj ministru da može svojim sredstvima do tisuću maraka odobriti. Hvala lijepo.

**PREDSJEDAVAJUĆA**

Zahvaljujem gospodine Jukić. Ovo je dokument koji naravno vezan za za sam Nacrt Budžeta 2017. godinu i samo želim da istaknem Klub zastupnika Demokratske fronte da pozdravljamo napor Vlade da se oba ova dokumenta donesu u kalendarskoj godini i da se ne ide sa odlukom za privremeno finansiranje, iskoristiti ću priliku da zamolim Vladu u sklopu ovoga s obzirom da se nekako već nazire sam Budžet i Nacrt Zakona o izvršenju Budžeta, da pravovremeno se pripremi i Program rada Vlade i dostavi u skupštinsku proceduru kako bi se i taj dokument zajedno sa programom rada Skupštine donio u ovoj kalendarskoj godini. Na taj način smatram da i Skupština i Vlada Zeničko-dobojskog kantona može pokazati odgovornost prema građanima i na neki način ukazati da ovaj, na određenu stabilnost u tekućoj godini za tekuću godinu kao što smo se dovodili u prethodne dvije godine, smatram da nije neka poruka o stabilnosti koju šaljem građanima. Zahvaljujem.

**PREDSJEDAVAJUĆA**

Zaključujem raspravu.